

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 263201 26 St 2
Zenica, 11.03.2026. godine

Općinski sud u Zenici, stečajni sudija Amela Sinanović, odlučujući o prijedlogu za otvaranje stečajnog postupka nad stečajnim dužnikom E.F. LINE d.o.o. Jelah-Tešanj, ul Huesina-kapetana Gradašćevića bb, Jelah, Tešanj, koga zastupa advokatsko društvo „Alemdar Brkić“ d.o.o. Tešanj, dana 11.03.2026.godine, donio je sljedeće :

RJEŠENJE

Pozivaju se povjerioci i zainteresovana lica da u roku od 30 dana od dana objavljivanja poziva predlože otvaranje stečajnog postupka i uplate predujam za obezbjeđenje troškova stečajnog postupka u iznosu od 5.000,00 KM, na depozitni račun ovog suda broj: 134-010-0000044837 otvoren kod ASA Banke d.d. Sarajevo, te da po izvršenoj uplati predujma sudu dostave uplatnicu, kao dokaz da je uplata izvršena.

Ukoliko povjerioci i zainteresovana lica u navedenom roku ne predlože otvaranje stečajnog postupka i ne uplate predujam, stečajni sudija će otvoriti stečajni postupak i odmah zaključiti postupak nad imovinom pravnog lica E.F. LINE d.o.o. Jelah-Tešanj, ul. Husein-kapetana Gradašćevića bb, Jelah, Tešanj, matični registarski broj subjekta upisa 43-01-0481-09, JIB: 4218678960004, te po pravomoćnosti rješenja o zaključenju stečajnog postupka narediti brisanje ovog društva iz sudskog registra.

Ako povjerioci i zainteresovana lica predlože otvaranje stečajnog postupka i uplate predujam u navedenom roku stečajni sudija će otvoriti stečajni postupak i voditi ga u skladu sa odredbama Zakona o stečaju.

Objasnenje

Na prijedlog stečajnog dužnika za otvaranje stečajnog postupka, Rješenjem broj 43 0 St 263201 25 St od 15.10.2025.godine, pokrenut je prethodni postupak radi utvrđivanja uslova za otvaranje stečajnog postupka nad imovinom pravnog lica označenog u izreci ovog rješenja, a za privremenog stečajnog upravnika je imenovan je Vehab Haris iz Tešnja, sa liste stečajnih upravnika.

Na ročištu za utvrđivanje uslova za otvaranje stečajnog postupka, privremeni stečajni upravnik izlažući svoj Izvještaj o radu, zaprimljen kod ovog suda dana 17.11.2025.godine i Dopunski izvještaj od 25.02.2026.godine, je izjavio da je prema Bilansu stanja na dan 31.12.2024.godine prikazana ukupna aktiva u iznosu od 380.790,00 KM, koja se sastoji od dugoročne imovine (postrojenja, oprema, namještaj) u iznosu od 59,00 KM, kratkoročne imovine u iznosu od 380.731,00 KM (zalihe odnosno roba u iznosu od 227.793,00 KM, potraživanja od kupaca u iznosu od 102.866,00 KM, dati krediti u iznosu od 10.000,00 KM, novac i novčani ekvivalenti u iznosu od 569,00 KM, akontacija poreza na dobit u iznosu od 2.119,00 KM i ostala imovina i potraživanja uključujući razgraničenja u iznosu od 37.384,00 KM). Zalihe odnosno roba u iznosu od 227.793,00 KM se odnosi na nabavljena motorna vozila, koja su nabavljena sa ciljem dalje prodaje kupcima. Zalihe odnosno roba mu nije pokazana u fizičkom obliku i nije mu

dostupna. Prema izjašnjenju direktora društva ova imovina ne postoji u fizičkom obliku jer su sva vozila prodana za vrijeme poslovanje društva, a prodajna cijena je naplaćena od kupaca. Prema usmenom izjašnjenju predstavnika knjigovodstvenog servisa koji je sačinio finansijski izvještaj sa 31.12.2024.godine, od strane direktora društva nije izvršeno razduženje naplaćenih sredstava kroz blagajnu i nije izvršeno polaganje ovih sredstava na račune u bankama. Potraživanja od kupaca u iznosu od 102.866,00 KM su novčana potraživanja za prodana motorna vozila. Ova potraživanja se odnose na kupce fizička lica u iznosu od 94.365,00 KM i kupca pravno lice Hase auto d.o.o. u iznosu od 8.500,00 KM. Prema izjašnjenju direktora društva, sva ova potraživanja su naplaćena od kupaca gotovinski, ali nije izvršeno razduženje naplaćenih sredstava kroz blagajnu i nije izvršeno polaganje ovih sredstava na račune u bankama. Kredit u iznosu od 10.000,00 KM je pozajmica fizičkom licu Džanić Ajdinu iz 2017.godine. Prema dostupnoj finansijskoj dokumentaciji i prema izjašnjenju direktora društva, nije izvršeno utuženje za naplatu ovog potraživanja. Obzirom da potraživanje potiče iz 2017.godine, smatra da je nastupila zastara potraživanja. Novac i novčani ekvivalenti u iznosu od 569,00 KM se odnose na novčana sredstva u blagajni u iznosu od 225,89 KM i sredstva na računu u iznosu od 343,69 KM. Ovo stanje je bilo na dan 31.12.2024.godine, a trenutno stanje na dan sačinjavanja dopunskog izvještaja je takvo da ni u blagajni društva ni na računu u banci nema navedenih novčanih sredstava. Prema izjašnjenju direktora društva, sredstva iz blagajne su utrošena na sitne nabavke u 2025.godini koje su plaćene gotovinski, a sredstva na računu su utrošena na plaćanja obaveza u toku 2025.godine. Akontacija poreza na dobit u iznosu od 2.119,00 KM je uplaćena u toku 2024.godine, na osnovu ostvarene dobiti iz prethodnog finansijskog perioda. Ostala imovine i potraživanja uključujući razgraničenja u iznosu od 37.384,00 KM se odnosi na obaveze za glavnice i kamate po podignutim kreditima kod Sparkasse banke d.d. i mikrokreditnog društva EKI. Prema usmenom izjašnjenju predstavnika knjigovodstvenog servisa, ovi krediti su obaveze društva, ali su knjiženi kao ostala imovina i potraživanja uključujući razgraničenja iz razloga što knjigovodstvu nije dostavljena odgovarajuća dokumentacija odnosno ugovori o kreditima sa otplatnim planom, na osnovu koje bi se ovi krediti knjižili kao obaveza društva za podignute kredite. Društvo nema nekretnina u svom vlasništvu niti posjedu, a nema u vlasništvu ni motorno vozilo, a dokaz za to su Potvrda ZK ureda Općinskog suda u Tešnju br. 039-0-RZ-25-002482 od 29.10.2025.godine, Uvjerenje Službe za urbanizam, katastar i geodetske poslove Općine Tešanj br. 06-26-7-5879/25-2 od 28.10.2025.godine, Obavještenje MUP-a ZDK, Odsjek za administraciju Tešanj br. 08-01-02/11-03-7-5243/25 od 27.10.2025.godine.

Prema Bilansu stanja na dan 31.12.2024.godine iskazana je ukupna pasiva ili obaveze društva u iznosu od 326.760,00 KM, koje se sastoje od dugoročnih obaveza u iznosu od 6.927,00 KM koje se u cijelosti odnose na obaveze po uzetim kreditima i kratkoročnih obaveza u iznosu od 319.833,00 KM, koje se u potpunosti odnose na obaveze prema dobavljačima. Na osnovu Uvjerenja Porezne uprave F BiH, Porezna ispostava Tešanj br. 13-4/4-12-5-3-5619/25AM od 13.11.2025.godine, utvrdio sam da stečajni dužnik na dan 13.11.2025.godine ima iskazan dug po osnovu neplaćenih javnih prihoda u iznosu od 1.050,39 KM. Na osnovu Izvještaja Centralne banke BiH o računima poslovnog subjekta na dan 31.10.2025.godine, utvrdio sam da E.F. LINE d.o.o. Jelah-Tešanj ima otvorena 4 transakcijska računa: račun br. 1990460082350672 u Sparkasse bank d.d. BiH koji je ujedno i glavni račun, devizni račun br. 1992217681 u Sparkasse bank d.d. BiH, račun br. 5725960000002472 i devizni račun br. 5725960000002569 u MF banci a.d. Banja Luka, a koji su svi blokirani dana 29.10.2025.godine. Na osnovu Potvrde Sparkasse bank d.d. BiH, bez broja, od 11.11.2025.godine utvrdio sam da E.F. LINE d.o.o. Jelah-Tešanj ima otvoren glavni transakcijski račun br. 1990460082350672 koji je blokirao od 29.10.2025.godine po Rješenju poreske uprave F BiH, radi neizmirenih obaveza u iznosu od 1.008,77 KM. Na osnovu Potvrde MF banke a.d. Banja Luka br. 2-101-25-10700 od 10.11.2025.godine utvrdio je da E.F. LINE d.o.o. Jelah-Tešanj ima otvoren redovan račun br. 5725960000002472 i devizni račun br. 572596000000256 koji su u statusu "blokirani" sa stanjem 0,00 KM, po Rješenju poreske uprave F BiH, radi neizmirenih obaveza u iznosu od 1.008,77 KM. Stečajni dužnik je platežno nesposoban jer duže od 60 dana neprekidno ne

izmiruje svoje dospjele novčane obaveze, nije u stanju da izvršava svoje dospjele i potraživane obaveze plaćanja zbog čega su u smislu člana 6. Zakona o stečaju nastupili razlozi za otvaranje stečajnog postupka nad stečajnim dužnikom. Stečajni dužnik odnosno organ ovlašten za zastupanje stečajnog dužnik je podnio prijedlog za otvaranje stečajnog postupka dana 17.07.2025. godine što znači da je prijedlog podnesen u roku od 60 dana od dana nastupanja platežne nesposobnosti.

Iz navedenog te dokumentacije priložene uz izvještaj i dopunski izvještaj proističe da u finansijskom izvještaju društvo ima iskazanu imovinu, međutim faktičko stanje ukazuje na to da ova imovina ne postoji i da društvo nema pokretne ili nepokretne imovine iz koje bi se mogla formirati stečajna masa ni za podmirenje troškova stečajnog postupka. Na okolnosti iz stanja imovine predlaže da Sud sasluša danas prisutnog direktora društva, koji je ujedno i osnivač društva. Mišljenja je da postoje razlozi za otvaranje stečajnog postupka, pa predlaže da sud pozove povjerioci i zainteresovana lica da u roku od 30 dana od dana objavljivanja poziva predlože otvaranje stečajnog postupka i uplate predujam za obezbjeđenje troškova stečajnog postupka u iznosu od 5.000,00 KM, te da ukoliko u ostavljenom roku povjerioci i zainteresovana lica ne predlože otvaranje stečajnog postupka i ne uplate predujam, da sud na osnovu čl. 102. st. 8 Zakona o stečaju, donese rješenje kojim će otvoriti i odmah zaključiti stečajni postupak, te odrediti brisanje društva.

Punomoćnik predlagatelja nije imao primjedbi niti prigovora na ovaj Izvještaj.

Zastupnik po zakonu Bratić Fikret je u svojoj izjavi na okolnosti stanja imovine društva, istakao da nema zalihe, da je nabavljena motorna vozila prodao da bi stigao vraćati kredite, da novac od prodaje vozila nije polagao u blagajnu niti na račun društva, a koristio ga je za vraćanje dospjelih obaveza. Sva vozila su bila uvezena iz inostranstva i sve obaveze po osnovu kupovine tih vozila su izmirene prema dobavljačima. Vjerovatno da je društvo posudilo fizičkom licu Džanić Ajdinu novčani iznos od 10.000,00 KM 2017. godine budući da je on otišao u inostranstvo nije se pokretao postupak naplate ovog novčanog iznosa. Društvo nema nikakvu imovinu. Što se tiče kredita podignutih na ime društva od Sparkasse bank d.d. sudužnici po ovim kreditima su društva TEHNOEXSPORT d.o.o. i EURO TRANS d.o.o. Kada više nije mogao vraćati kredit, blokirani su računi društvu TEHNOEXSPORT d.o.o. zbog čega je bio prisiljen da vozila prodaje ispod cijene da bi izvršili deblokadu računa ovog društva. Također, društvo je imalo i pored kredita kod Sparkasse bank, ima kredit i kod Mikrokreditnih organizacija, a kako bi spriječio blokadu sudužnika vraća lično te kredite.

Kako stečajni dužnik ima obaveze, a nema imovine, pa ni za troškove stečajnog postupka, to je sud primjenom odredbe člana 102. st. 7., 8. i 9. Zakona o stečaju („Službene novine FBiH“, broj: 53/21 i 19/25), pozvao povjerioci i zainteresovana lica da predlože otvaranje stečajnog postupka i uplate predujam za obezbjeđenje troškova stečajnog postupka. Visina troškova srazmjerno je određena visini troškova koji se očekuju, a koji su neophodno potrebni za otvaranje i vođenje stečajnog postupka.

Obzirom na izloženo, a primjenom navedenih zakonskih propisa, sud je odlučio kao u izreci ovog rješenja. Ovim rješenjem povjerioci i zainteresovana lica su upozoreni na posljedice propuštanja postupanja po pozivu ovog suda.

Stečajni sudija
Amela Sinanović

Pouka o pravnom lijeku: Protiv ovog rješenja nije dozvoljena žalba.